

Aalisarnermut atatillugu atuisunut akiliuteqartitsineq pillugu Namminersorlutik Oqartussat nalunaarutaat

Aalisarneq pillugu Inatsisartut Inatsisaanni nr. 18, 31. oktober 1996-imeersumi § 14 imm. 9, kingullermik, Inatsisartut Inatsisaanni nr. 17, 3. december 2009-meersumi allanngortinneqartoq, tunngavigalugu aalajangersarneqarpoq:

Atuuuffia

§ 1. Aalisarneq pillugu inatsimmi § 14, imm. 5-imi aamma § 14, imm. 7-imi, periarfissiissut tunngavigalugu, atuinermut akiliut pillugu nalunaarutikkut aqunneqarnera erseqqaarinnerusumik malittarisassiorneqarnissa siunertarineqarpoq. Atuinermut akiliummut pisussaaffeqarneq angallatinit aalisarnernit pisuuppata imaluunniit umiarsuaatileqatigiiffinnit aalisartitsinermit pisuuppata taakkualu Kalaallit Nunaanni angerlarsimaffeqartuuppata atuuppoq.

Pisassiissutinut akitsuummut akiliineq

§ 2. Aalisarneq pillugu inatsimmi § 14, imm. 7-imi angallatit avataasiorluni aalisarsinnaanermut aammal sinerissap qanittuani raajarniarsinnaanermut akuersissutinik peqartunut pisassiissutinut akitsuutit taaneqartut, pisassiissutit amerlassusaat tunngavigalugit naatsorsorneqassapput. Pisassiissutitut nalunaarutigineqartut tonsimut ataatsimut nalilernerisigut akitsuuserneqartassapput, akitsuullu Inatsisartut Aningaasanut Inatsisaanni annertussusilerneqartassalluni. Pisassiissutinut akiliutigineqartoq pisarineqanngitsunit utertinneqarsinnaanngilaq.

§ 3. Aalisarneq pillugu Inatsisartut Inatsisaanni § 14, imm. 7-imi, pisassiissutit nalunaarutigineqartut pilligit akitsuusiisarnermut atatillugu, piffissaq akiliiffissaq aamma akiliiffissaq kingullerpaaq Inatsisartut Aningaasanut Inatsisaanni aalajangersarneqartassapput.

Imm. 2. Pisassiissutit januarip aallaqqaataata kingorna nalunaarutigineqarpata qaammatisiutit ukiuannut ataatsimut atugassiissutaappata, akitsuutit ulloq taanna nalunaarfusoq akilerneqassapput, kingusinnerpaamillu nalunaarutigineraniit qaammatit pingasut qaangiunnerini akilerneqareersimassallutik.

Imm. 3. Ulloq akiliiffissaq kingulleq sapaataappat ullorluunniit nalliuuttuppat, arfinningorneruppalluunniit akiliiffissaq kingulleq ullormut tullinnguuttumut nalinginnaasumut sivitsorneqassaaq.

§ 4. Inummut imaluunniit suliffeqarfimmuit, piffissaq eqqorlugu akiliinngitsoortumut, piffissamik akiliiffissamik Aalisarnermut, Piniarnermut Nunalerinermullu Aqutsisoqarfik aalajangiisinnavaoq, taamatuttaarlu akitsuutip akilernissaanut qularnaveeqqusiisummik piumasqaateqarsinnaalluni.

Ulluni aalisarfiusuni aalisarnermk ingerlatsineq

§ 5. Avataasiroluni aalisartunut imaluunniit sinerissap qanittuani raajarniartunut, ulluni aalisarfiusuni aalisarnermiq ingerlatsisunut pisassiissutitut nalunaarutigineqartunut akitsuutit pisassiissutinit tulaanneqartut tunngavigalugit naatsorsorneqartarpuit. Pineqartuni akitsuutit aalisarnerup uninneraniit qaammat ataaseq qaangiuppat akiligassanngortinneqassaaq, kingusinnerpaamillu aalisarnerup uninneraniit qaammatit marluk qaangiunneranni akilerneqarsimassalluni. Ulloq akiliiffissaq kingulleq sapaataappat ullorluunniit nalliuuttuppat arfininngorneruppalluunniit, akiliiffissaq kingulleq ullormut tullinnguuttumut nalinginnaasumut sivitsorneqassaaq.

Aalisarsinnaanermut akuersisummut akiliuteqartitsinermi akiliisarneq

§ 6. Aalisarsinnaanermut akuersissutinik tunniussaqarnermi aamma sinerissap qanittuani aalisarsinnaanermut akuersissutinik akuersissuteqarnermi, tassani sinerissap qanittuani raajarniarneq pinnagu, akiliuteqartitsinissamik akiligassiisoqassaaq. Akiliuteqartitsinermi akigititassaq Inatsisartut Aningaasanut Inatsisaanni aalajangersarneqartassapput.

Imm. 2. Aalisarneq pillugu inatsisartut Inatsisaanni § 14, imm. 5 malillugu, sinerissap qanittuani aalisarsinnaatitaanermut akuersissutinik tunniussinermi akiliuteqartitsinermi akiligassiissut taaneqartoq, tassani sinerissap qanittuani raajarniarneq pinnagu, Inatsisartut Aningaasanut Inatsisaanni akiligassanngorfiinik aamma kingusinnerpaamik akilerneqarfissaanut killissarititanik aalajangersaasoqarpoq.

Imm. 3. Aalisarsinnaanermut akuersissutinik januaarip aallaqqaataata kingorna qinnutigineqartunit qaammatisiutit ukiuannut ataatsimut atugassatut akuersissutaappata, akiliuteqartitsinermi akiliinissaq ullormi akuersissuteqarnermiit qaammatit pingasut qaangiunnerini akilerneqareersimassapput.

Imm. 4. Ulloq akiliiffissaq kingulleq sapaataappat imaluunniit nalliuottorsiorfiuppat arfininngorneruppalluunniit, akiliiffissaq kingulleq ullormut tullinnguuttumut nalinginnaasumut sivitsorneqassaaq.

Umiatsiaararsorluni aalisartunut akiliuteqartitsisarneq

§ 7. Umiatsiaaraq paasineqassaaq angallat ammaannartoq ikkuttakkamik motorilik.

Imm. 2. Umiatsiaararsorluni aalisartut tamarmik aalisarsinnaanermut akuerineqarnissamik qinnuteqaammut akuerineqartumut siullermut atatillugu taamaallaat akiliummik akiliissapput.

Umiatsiaararsorluni aalisartoq, aalisarsinnaanermut akuersisummut siullermut akiliummik akiliuteqareersimasoq, aalisakkanik allanik aalisarsinnaanermut akuersisummut pissarserusappat, aalisarsinnaanermut akuersissutit taakku tunniunneqassapput, akiliuteqartitsinertaqanngitsumik.

Akiliisussaatitaaneq

§ 8. § 2 naapertorlugu, qaammatisiutit ukiuannut ataatsimut akitsuut akilerneqartussaq, januarip aallaqqaataani pisassiissutinik nalunaaruteqarfingineqartumit akilerneqartassaaq. Qaammatisiutit ukiuata ingerlanerani pisassiissutit nalunaarutigineqarpata, qaammatisiutit ukiuata sinnerani akitsuutit, inummit imaluunniit suliffeqarfimmit pisassinneqartunit akilerneqartassapput.

Imm. 2. Qaammatisiutit ukiuata pineqartup ingerlanerani, pisassiissutit ilaannakortumik tamakkiisumilluunniit allamut tunniunneqarpata, tunniussisuusoq, qaammatisiutip ukiuata akiliiffissaatitaasup ingerlanerani akitsuummik akiligassamik akiliisussaatitaavoq.

Imm. 3. Pisassiissutinik tunniussinermi, soorlu suliffeqarfip akiliisinnajunnaarluni uninneranut atatillugu,

imaluunniit pinngitsaalismik tunisariaqarpagu, imaluunniit aningaasatigut ajutoorluni assigisaanilluunniit pissuteqartumik suliffimmik unitsitsisoqarpat, akitsummik akiliisussaatitaaneq suliffeqarfimmit pisassiissutinik tigusisumit akisussaaffigineqassaaq.

Pineqaatissiissutit

§ 9. § 4 aallaavigalugu, piaaraluni imaluunnit annertuumik mianersuaalliornikkut, piffissaq eqqorlugu akiliisoqanngippat, pineqartoq akiliuteqartitsinerup saniatigut annertunerusumik

§ 10. Allaffeqarfittut ingerlatsisuusut, suliaq akiliuteqartitsinerup saniatigut annertunerusumik kinguneqassanngitsoq naliliippata, Naalakkersuisut imaluunniit Naalakkersuisunit piginnaatitaaffimmik tunineqartup, suliaq eqqartuussivimmut ingerlatinnagu unioqqutitsisoq, unioqqutitsinerminik nassueruteqarpat, piffissallu aalajangersimasup iluani akiliuteqarnissaminut piareersimappat, qinnuteqaateqarnikkut, annertussusileriikkamik akiliuteqartitsinissamut, piffissaq akiliiffissaq sivitsorneqassasoq aalajangersinnaavaa.

Imm. 2. Imm. 1-imi taakkartorneqartut aallaavigalugit, Kalaallit Nunaanni inatsisinik atuutsitsinermut malittarisassat unnerluuussinissamut atorneqarsinnaapput.

§ 11. Akiliisitsinerit, § 9 malillugu ingerlanneqartut, Nunatta karsianut nakkassapput.

Misileraalluni aalisarneq

§ 12. Misileraalluni avataasioluni aalisarnernut aammalu sinerissap qanittuani raajarniarnernut akitsuutit, pisarisiaviiit tunngavigalugit amerlassusilerneqartassapput. Pisat tonsikkaartumik akitsuutilerneqartassapput, akitsuutillu § 2, imm. 1-imi taaneqartut assigissavaat.

Imm. 2. Imm. 1 naapertorlugu akitsuut, aalisareernerup kingorna ukiup aalisarfiusup qaangiunnerani januarip aallaqqaataani akilerneqartassapput, ukiullu aalisarfiusup qaangiunnerani aprilip aallaqqaataani kingusinnerpaamik akilerneqartassallutik.

Imm. 3. Misileraalluni aalisarnermi akitsummik tamakkiisumik ilaannakortumilluunniit Naalakkersuisut akiliinngitsoortitsisinnaapput. Akitsuutinik akiliinnginnissaq allakkatigut nalunaarutigineqassaaq.

Atuutilersinneqarnera

§ 13. Nalunaarut ulloq 1. marts 2010-mi atuutilissaaq.

Namminersorlutik Oqartussat, ulloq 12. februar 2010

Ane Hansen

/

Amalie Jessen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut